

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ**

<<___>> _____ 2011 թվականի N _____ - Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ
ՆԱԽԱՐԱՐՈՒԹՅԱՆԸ ԳՈՒՅՔ ՀԱՆՁՆԵԼՈՒ ՄԱՍԻՆ**

Ղեկավարվելով «Պետական կառավարչական հիմնարկների մասին» Հայաստանի Հանրապետության օրենքի 4-րդ և «Պետական ոչ առևտրային կազմակերպությունների մասին» Հայաստանի Հանրապետության օրենքի 5-րդ հոդվածներով՝ Հայաստանի Հանրապետության կառավարությունը որոշում է.

1. Հայաստանի Հանրապետության էկոնոմիկայի նախարարության ենթակայության «Նորամուծության և ձեռներեցության ազգային կենտրոն» պետական ոչ առևտրային կազմակերպությունից հետ վերցնել անհատույց օգտագործման իրավունքով նրան ամրացված՝ Երևան քաղաքի Կոմիտաս 49/3 շենքի 1-ին հարկից՝ 227 քառ.մետր, 8-րդ հարկից՝ 430 քառ.մետր և 9-րդ հարկից՝ 430 քառ.մետր տարածքները և հանձնել «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին՝ Հայաստանի Հանրապետության արդարադատության նախարարության աշխատակազմի իրավաբանական անձանց պետական ռեգիստրի գործակալության կենտրոնական մարմնի և Երևան քաղաքի ութ տարածքային բաժինների գործունեությունը կազմակերպելու նպատակով:

2. Հայաստանի Հանրապետության էկոնոմիկայի և արդարադատության նախարարներին՝ սույն որոշումն ուժի մեջ մտնելուց հետո մեկամսյա ժամկետում ապահովել որոշման 1-ին կետում նշված տարածքի հանձնման - ընդունման աշխատանքների կատարումը:

3. Սույն որոշումն ուժի մեջ մտնելուց հետո մեկամսյա ժամկետում՝ Հայաստանի Հանրապետության օրենսդրությամբ սահմանված կարգով լուծել «Նորամուծության և ձեռներեցության ազգային կենտրոն» պետական ոչ առևտրային կազմակերպության հետ կնքված սույն որոշման 1-ին կետում նշված տարածքների անհատույց օգտագործման պայմանագիրը:

Հ. Թովմասյան

Հ Ի Մ Ն Ա Վ Ո Ր Ո Ւ Մ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆԸ ԳՈՒՅՔ ՀԱՆՁՆԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ԸՆԴՈՒՆՄԱՆ

Ընթացիկ իրավիճակը և խնդիրները.

Ներկայումս Հայաստանի Հանրապետության արդարադատության նախարարության աշխատակազմի իրավաբանական անձանց պետական ռեգիստրի գործակալությունը (այսուհետ՝ Գործակալություն) իր կողմից Երևան քաղաքում իրավաբանական անձանց պետական գրանցման ծառայությունների մատուցումը մեկ կենտրոնից և «մեկ պատուհանի կանգառ» (ՄՊԿ) սկզբունքով իրականացնելու համար չունի համապատասխան շենք: Այդ առումով Հանրապետության կառավարությունը 2010 թվականի օգոստոսի 19-ին ընդունել է «Հայաստանի Հանրապետության արդարադատության նախարարությանը գումար հատկացնելու մասին» որոշում, որով Գործակալության կողմից Երևան քաղաքում իրավաբանական անձանց գրանցման ծառայությունների մատուցումը «մեկ պատուհանի կանգառ» սկզբունքով իրականացնելու համար համապատասխան տարածքի վերանորոգման և կահավորման նպատակով՝ Հայաստանի Հանրապետության 2010 թվականի պետական բյուջեով նախատեսված Հայաստանի Հանրապետության կառավարության պահուստային ֆոնդի հաշվին Հայաստանի Հանրապետության արդարադատության նախարարությանը հատկացվել է 113262.4 հազ. դրամ: Նշված որոշմանը համաձայն՝ Կոմիտաս 49/3 հասցեում գտնվող «Նորարարության և ձեռներեցության ազգային կենտրոն» ՊՈԱԿ-ին ամրացված շենքի 227 քառ.մետր տարածքով 1-ին հարկի, 430 քառ.մետր տարածքով 8-րդ հարկի և 430 քառ.մետր տարածքով 9-րդ հարկի տարածքներում արդեն սկսվել են շինարարական աշխատանքները, պետք է կատարվի կապիտալ վերանորոգում, գազիֆիկացում և այլն, սակայն շինարարական կազմակերպությունները Հայաստանի Հանրապետության արդարադատության նախարարության հետ չեն կնքում պայմանագրեր, քանի որ

Հայաստանի Հանրապետության արդարադատության նախարարությունը այդ շինության նկատմամբ որևէ իրավունք չունի:

Կարգավորման բնույթը.

Նախագծով նախատեսվում է Գործակալության կենտրոնական մարմնի և Երևան քաղաքի ութ տարածքային բաժինների գործունեությունը կազմակերպելու նպատակով ՀՀ արդարադատության նախարարությանը հանձնել ՀՀ էկոնոմիկայի նախարարության «Նորարարության և ձեռներեցության ազգային կենտրոն» ՊՈԱԿ-ին ամրացված շենքի 1-ին, 8-րդ և 9-րդ հարկերը:

Առաջին հարկում նախատեսվում է ունենալ տեղեկատվության տրամադրման և խորհրդատվության տրամադրման 2-3 պատուհաններ, սրահի ղեկավարի աշխատասենյակ, փաստաթղթերի ընդունման 6-8 պատուհաններ, ինչպես նաև տեղադրել համապատասխան պատուհանին մոտենալու հերթագրման կտրոնի տրամադրման սարք, էլեկտրոնային ցուցատախտակ, «դատալեքս» տեղեկատվական համակարգ, քաղաքացիների սպասելու և փաստաթղթերի լրացման համար անհրաժեշտ աթոռ-սեղաններ: Քաղաքացիների շարժման ուղղությունը կկարգավորվի այն ուղղորդող ժապավենի միջոցով:

Ակնկալվող արդյունք.

Նախագծի ընդունման արդյունքում ակնկալվում է Գործակալություն կողմից իրավաբանական անձանց պետական գրանցման ծառայությունների մատուցումը իրականացնել մեկ կենտրոնից և «մեկ պատուհանի կանգառ» (ՄՊԿ) սկզբունքով, որով կկրճատվեն գրանցման ընթացակարգերը և ժամկետները, ՄՊԿ-ում կընդունվեն օրենքով սահմանված գրանցման վճարներ, կստեղծվի ՄՊԿ-ից առգիծ (օնլայն) ռեժիմով օգտվելու հնարավորություն, կստեղծվի գրանցված կազմակերպությունների էլեկտրոնային տվյալների և տեղեկատվական միասնական համակարգ, գրանցված տվյալները կփոխանցվեն ՀՀ ազգային վիճակագրական ծառայությանը և դրանցով իսկ կնվազեն կոռուպցիոն ռիսկերը, կստեղծվեն նպաստավոր պայմաններ գործարար միջավայրի բարելավման, ինչպես նաև պետական գրանցման ոլորտում միջազգային չափանիշներին համապատասխան ծառայությունների մատուցման համար:

ՏԵՂԵԿԱՆՔ

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ
ՆԱԽԱՐԱՐՈՒԹՅԱՆԸ ԳՈՒՅՔ ՀԱՆՁՆԵԼՈՒ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ԸՆԴՈՒՆՄԱՆ
ԴԵՊՔՈՒՄ ԱՅԼ ԻՐԱՎԱԿԱՆ ԱԿՏԵՐՈՒՄ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ
ՄԱՍԻՆ**

«Հայաստանի Հանրապետության արդարադատության նախարարությանը գույք հանձնելու մասին» Հայաստանի Հանրապետության կառավարության որոշման ընդունման կապակցությամբ Հայաստանի Հանրապետության այլ իրավական ակտերի ընդունման անհրաժեշտություն չի առաջանում, և այն համապատասխանում է միջազգային պայմանագրերով ստանձնած պարտավորություններին:

ՏԵՂԵԿԱՆՔ

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ
ՆԱԽԱՐԱՐՈՒԹՅԱՆԸ ԳՈՒՅՔ ՀԱՆՁՆԵԼՈՒ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ԸՆԴՈՒՆՄԱՆ
ԴԵՊՔՈՒՄ ՊԵՏԱԿԱՆ ԲՅՈՒՋԵԻ ԵԿԱՄՈՒՏՆԵՐԻ ԱՎԵԼԱՑՄԱՆ ԿԱՄ
ՆՎԱՋԵՑՄԱՆ ՄԱՍԻՆ**

«Հայաստանի Հանրապետության արդարադատության նախարարությանը գույք հանձնելու մասին» Հայաստանի Հանրապետության կառավարության որոշման ընդունման դեպքում պետական բյուջեի եկամուտների ավելացում կամ նվազեցում չի առաջանում:

Ա Մ Փ Ո Փ Ա Թ Ե Ր Թ

«Հայաստանի Հանրապետության արդարադատության նախարարությանը գույք հանձնելու մասին» Հայաստանի Հանրապետության կառավարության որոշման նախագծի վերաբերյալ կատարված առաջարկությունների

Առարկության, առաջարկության հերիճակը, գրության ստացման ամսաթիվը, գրության համարը	Առարկության, առաջարկության բովանդակությունը	Եզրակացություն	Կատարված փոփոխություններ
1 Հայաստանի Հանրապետության կառավարության առընթեր պետական գույքի կառավարման վարչություն 2010 թվականի նոյեմբերի 30-ի թիվ Ե2-4490 գրություն	2 Հաշվի առնելով, որ Ձեր 22.11.2010թ. թիվ 01/4450-10 գրությամբ «Հայաստանի Հանրապետության արդարադատության նախարարությանը գույք հանձնելու մասին» Հայաստանի Հանրապետության կառավարության որոշման նախագծով Երևան քաղաքի Կոմիտաս 49/3 հասցեում գտնվող 2ենքից «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին հանձնվող տարածքներն անհատույց օգտագործման իրավունքով ամրացված են «Նորարարության և ձեռներեցության ազգային կազմակերպության հին, Հայաստանի Հանրապետության կառավարությանն առընթեր պետական գույքի կառավարման վարչությունն առաջարկում է՝ հիմք ընդունելով	3 Ընդունվել է:	4 Նախագիծը լրացվել է նոր 3-րդ կետով՝ հետևյալ բովանդակությամբ. «Սույն որոշումն ուժի մեջ մտնելուց հետո մեկամսյա ժամկետում՝ Հայաստանի Հանրապետության օրենսդրությամբ սահմանված կարգով լուծել «Նորամուծության և ձեռներեցության ազգային կենտրոն» պետական ոչ առևտրային կազմակերպության հետ կնքված սույն որոշման 1-ին կետում նշված տարածքների անհատույց օգտագործման պայմանագիրը.»:

<p>Հայաստանի Հանրապետության քաղաքացիական օրենսգրքի 698-րդ հոդվածի 1-ին կետը, Որոշման նախագծում նախատեսել դրույթ՝ «Նորարարության և ձեռներեցության ազգային կենտրոն» ՊՈԱԿ-ի հետ կնքված անհատույց օգտագործման պայմանագիրը «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին հանձնվող տարածքների մասով լուծելու վերաբերյալ:</p>	<p>Հայաստանի Հանրապետության քաղաքացիական օրենսգրքի 698-րդ հոդվածի 1-ին կետը, Որոշման նախագծում նախատեսել դրույթ՝ «Նորարարության և ձեռներեցության ազգային կենտրոն» ՊՈԱԿ-ի հետ կնքված անհատույց օգտագործման պայմանագիրը «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին հանձնվող տարածքների մասով լուծելու վերաբերյալ:</p>	<p>Ընդունելի է</p>	<p>Առաջարկությունն ընդունելի է, սակայն Հայաստանի Հանրապետության արդարադատության նախարարությունը չի տիրապետում «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին անրացվող գույքի արժեքին:</p>
<p>Հայաստանի Հանրապետության ֆինանսների նախարարություն 2010 թվականի դեկտեմբերի 15-ի թիվ 1/4.4-Ե/10236-10 գրություն</p>	<p>Հայտնում ենք, որ Նախագծում անհրաժեշտ է նշել <<Նորամուծության և ձեռներեցության ազգային կենտրոն>> պետական ոչ առևտրային կազմակերպությունից հետ վերցվող և <<Հայաստանի Հանրապետության արդարադատության նախարարության աշխատակազմ>> պետական կառավարչական հիմնարկին անրացվող գույքի արժեքը:</p>	<p>Ընդունելի է</p>	<p>Առաջարկությունն ընդունելի է, սակայն Հայաստանի Հանրապետության արդարադատության նախարարությունը չի տիրապետում «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկին անրացվող գույքի արժեքին:</p>

<p>Հայաստանի Հանրապետության Էկոնոմիկայի նախարարություն 2010 թվականի դեկտեմբերի 17-ի թիվ 07/18.1/6357-10 գրություն</p>	<p>«Հայաստանի Հանրապետության արդարադատության նախարարության գույք հանձնելու մասին» Հայաստանի Հանրապետության կառավարության որոշման նախագծի վերաբերյալ հայտնում ենք, որ «Նորամուծության և ձեռներեցության ազգային կենտրոն» պետական ոչ առևտրային կազմակերպության (այսուհետ՝ կազմակերպություն) հենքի վրա ստեղծվել է բիզնես կենտրոն և նշված կենտրոնի հիմնական նպատակներից են ձեռներեցությամբ զբաղվելու համար անհրաժեշտ գործընթացների իրականացմանն աջակցելը, արդիական բիզնես-մեթոդների ներմուծումը և արմատավորումը, մտավոր սեփականության առևտրայնացմանն աջակցությունը, նորագույն տեխնոլոգիաների հետազոտությունների իրականացումն ու դրանց մասին տեղեկատվության մատչելիության ապահովումը: Նշված գործընթացները կրելու են շարունակական բնույթ և կազմակերպությունը իրականացնելու է իր գործառույթներից բխող բազմաթիվ այլ ծրագրեր, ինչի պարագայում ներկայումս աննպատակահարմար ենք համարում նշված տարածքը ՀՀ արդարադատության նախարարության հանձնելուն:</p> <p>Միաժամանակ ելնելով վերոգրյալից և</p>	<p>Չի ընդունվել</p>	<p>Պետության սեփականությունը հանդիսացող տարածքը հատկացված է «Նորամուծության և ձեռներեցության ազգային կենտրոն» պետական ոչ առևտրային կազմակերպությանը՝ անհատույց օգտագործման իրավունքով և այդ առումով պետությանը պատկանող տարածքները պետության կողմից վարձակալությամբ վերցնելը գտնում ենք անընդունելի:</p> <p>Միաժամանակ անհրաժեշտ է նկատի ունենալ, որ նախագծում նշված տարածքները վերանորոգելու համար Հանրապետության կառավարության կողմից 2010 թվականի օգոստոսի 19-ին ընդունել է «Հայաստանի Հանրապետության արդարադատության նախարարությանը գումար հատկացնելու մասին» որոշում, որով Գործակալության կողմից Երևան քաղաքում իրավաբանական անձանց գրանցման ծառայությունների մատուցումը «մեկ պատուհանի կանգառ» սկզբունքով իրականացնելու համար համապատասխան տարածքի վերանորոգման և կահավորման նպատակով՝ Հայաստանի Հանրապետության 2010 թվականի պետական բյուջեով նախատեսված Հայաստանի Հանրապետության կառավարության</p>
---------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

	<p>ղեկավարվելով «Պետական ոչ առևտրային կազմակերպությունների մասին» ՀՀ օրենքի 5-րդ հոդվածի 3-րդ կետով՝ առաջարկում ենք Հայաստանի Հանրապետության արդարադատության նախարարության աշխատակազմի իրավաբանական անձանց պետական ռեգիստրի գործակալության կենտրոնական մարմնի և Երևան քաղաքի ութ տարածքային բաժինների գործունեությունը կազմակերպելու նպատակով Կազմակերպության տարածքը զբաղեցնել վարձակալության հիմունքներով՝ կնքելով վարձակալության պայմանագիր:</p>		<p>պահուստային ֆոնդի հաշվին Հայաստանի Հանրապետության արդարադատության նախարարությանը հատկացվել է 113262.4 հազ. դրամ: Նշված որոշմանը համաձայն՝ Կոմիտաս 49/3 հասցեում գտնվող «Նորարարության և ձեռներեցության ազգային կենտրոն» ՊՈԱԿ-ին ամրացված շենքի 227 քառ.մետր տարածքով 1-ին հարկի, 430 քառ.մետր տարածքով 8-րդ հարկի և 430 քառ.մետր տարածքով 9-րդ հարկի տարածքներում արդեն սկսվել են շինարարական աշխատանքներ:</p>
--	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------